

ALL NATIONS GOSPEL PUBLISHERS



www.angp-hb.co.za



info@angp.co.za

Omwoyo Kwo Omundu

NOHO

ESHIHO SHIO OMWOYO KWO OMUNDU

(Omwoyo Kwo Omundu Shinga Lwo Kuli Mutsipicha Ekhumu)

Akhatabo khano khaandikwa mushibala shia Ebufranza omuhika wa 1732. Shiakalushilwamwo, nishiaandikwa obuyia khulwa Abamishonari bali Muafrica nende Rev. J.R. Gschwend mumuhika kwa 1929. Okhurula olwenolo shiakalukhasibwa shiaandikwa mutsisungo tsiahukhane 250 mubibala 127. Abahandichi nibali ALL NATIONS GOSPEL PUBLISHERS. Abaandu betsisungo tsiahukhane, ne tsidini tsiahukhane, netsimbiamba tsiahukhane ba somanga akhatabo khano nibalila obulamba bwa omulakusi Ezekiel: yalakula emiaka 586. Yesu nashiili okhwibulwa mbu, "Ndalamuheelesia Omwoyo omuyia, nira mwinywe roho imbia ... mulaba abandu banje, nasi ndalaba Nyasaye weenywe!" Ezekiel 36:26-28.

COPYRIGHT

ISBN 1 - 874934 - 41 - X

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)

OMWOYO KWO OMUNDU

IKANISA YA NYASAYE NOHO LIRUMBI LIA SHETANI

(Yohana 3:4-10)

Lwosoma akhatabu khano noyanza witsulile mumakaniko mbu khali shinga eshiho shionyala okhwilolelamwo. Kata noli omuKristayo noho tawe, nohomba niwarula khuKristo, witsa okhwilola omwene shinga olwa Nyasaye akhulolanga. “Okhuba abandu bahenganga okhulolekha khwelwany, ne Omwami ahenganga Omwoyo.” (1 Sam. 16:7). Nyasaye akhulolanga shinga lwokhuli.

Shetani niye samwana obubeyi bwosi. Niye Omururchi weshilima nende akhanyasaye kheshibala, habula yefwala shinga malaika wa Nyasaye nayila abandu mutsinjira tsimbi, okhurula khala nende bulano baliho abarume bobubeyi bekatinjia mbu naba Kristo. Neshikali kokhuchanya tawe shichila ... Shetani yeefwaninjia shinga malaika wobulafu.” (2 Abakolinzo 11:13-14). Shetani wara abandu mushirima okhulola mbu Nyasaye wabayanza mbu kata Yesu yafwa mbu abahonie. Abakholi betsimbi nende abalamusubilila Nyasaye tawe bafwa emioyo khandi nababofu khumakhuwa komwami. (2 Abakolinzo 4:4). Barukwa nende omubii weshialo shino shinga lwa Paulo abola mu abaEfeso Isula 2:1-2. Tsimoni tsiabo tsilekulwa behenga abene tawe, batsitsanga okhutiba. Wulia owubola mbu, “Eshiili shionona,” Yekatia omwene. Shichila Yesu yetsa okhusasia akashetani yakhola. (1 Yohana 3:8). Khulwesho, Mumwiyame Nyasaye. Mumuhinjire shetani, naye alamwirukha. Musite ahambi nende Nyasaye naye alasita ahambi ninenywe. (Yakobo 4:7-8).

Olwosoma eshitabo shino nohenga khutsipicha tsino, omwene olelola Omwoyo kwo. Wiyame obulafu bwa Nyasaye bukhumanyie obulamba bwomowoyo kwo. “Wiyame ebiononobio shichila likhuwa liomwami libola ... Nikhuba nikhusunga mbu shikhwayoonona ta, khumakhola ye mbu nomumbeyi, ne likhuwalie nalio libula mwifwe.” (1 Yohana 1:1-10).

Omuruchiwo ni shetani nohomba Nyasaye. Nali shetani nebiononobie, shiolayingana ta, habula omuhabile Nyasaye. Alakuhonia khumani ka Yesu Kristo owetsa okuhonia abetsimbii nende okhufinaka amani ka shetani nebiononobie. Niye omuhonia wefwe. Oli imbeli wa Nyasaye owamanya ebikhole nende tsinganakanitsio tsiosi. Shionyala okhwibisa kata okhubisa ebikholebio khu Nyasaye tawe, shichila “Nyasaye owakanika eshirwe, shia hulilanga? owakhola imoni shialolanga? (Tsitsabuli 94:9).

“Okhuba tsimoni tsi Omwami tsibereng’ananga mubialo biosi pe, okhulolosia obunyalibwe khulwabo aba omwoyo kwabwe kuli omweleleshe khuye.” (2 Aketsindalo 16:9).

“Okhuba tsimoni tsihenga tsinjila tsiomundu, lolanga Injendaye yosi.” (Ayubu 34:21). “Bubulaho obumali, kata eshiilima ti ewa abakholi bobumayaanu bebisa ta.” (Ayubu 34:22).

“Ne Yesu Omwene shiyabasuubilila bo ta; shichila yamanya abandu bosu.” (Yohana 2:24).

“Mwitse khwisie, inywe mwesi abachoonyanga nimusitohelwa nasi ndalamuhilisia. Mwinjila mwikokolo lianje ... Shichila likokolo lianje nelilayi. Omusiiko kwanje nakwo nomwangu.” (Matsayo 11:28-30).

**OBWINOOSI OBWEBIFWANANI
NOHOMBA TSIPICHA
ESHIFWANANI NOHOMBA IPICHA YAMBERI**

Eshifwanani shiino shimanyisinjia omwoyo kwo omundu omunashialo owe Indakano elanganga mbu omwononi, oyanzisibungwa nende ebiomubiri nohomba inyama yomubiri kwenya. Shino nishio eshifwanani shinga lwa Nyasaye alolanga omwoyo kwomundu omunashialo. Khandi Nyasaye okhwinosia obulayi muno nosoma Tsinjero 23:29-33. “Niwina oubola mbu Bayaye wanje koo! Niwina oukhupa mbu kuuwii! Niwina owamayinje? Niwina owamayinje? niwina ouli nobwilili? Niwina

ouli namafumire akabula eshifune? Niwina owakhanye tsimoni? “Mbula, niyabo ababutsanga oluhoono mumalwa; niyabo abatsitsanga okhukhaba idivai eyitsokasiibwe. Orahenga idivai olwa yakhanye tawe, olwa ying’inangi’ina mushikombe, olwa yiswelulukhanga niyiikha; Olunyuma yilumanga shinga inzokha; yikhanganga shinga eshilikoma. Tsimonitsio tsilalola ebindu ebicheni, omwayokwo nikuboola akobukhanikhanu.”

Ebifwanani bietsisolo tsietsula mushifwanani shiomwoyo kwo omundu huno tsimanyia ebionono ebinji ebiahukhane shinga lwebiparungwa mumwoyokwo. Shichila Omwoyo nikwo khalulanga tsimbii tsiosi. Nyasaye akhubolela mumulakusi Yeremia 17:9 mbu “Omwoyo nomukatii okhushila biosi; kwabiiyila elala; Ounyala okhukamanya niwina?”

Yesu Omwene atinyisia mu Injili ya Marko 7:21-23 mbu “Shichila nokhurula mukari, mumioyo chiabandu, omwa murulangamwo amayililiso amabii, ngakano mbu obusooti, nobwifii, nobwiri, nobuhenyi, nobwikombi obubii ... amabii ako kosi karulanga mukari nikamwononia omundu.

1. ISIMBISHIRA – Kata obulayi bwelikondo bweisimbichira buchami sinjia abandu bosii, mumwoyo kwo omundu huno bumanyia isunga. Shetani yali malaika woluyali mumoni tsia Nyasaye nehabula yamala akosie oluyali luno khulweisunga, mana naba omusuku wa Nyasaye mana nalangwa mbu Eshishieno. (Isaya 14:9-17; Ezekiel 28:12-17).

Isunga irula mukahena ne yilolosia mutsinjira tsinyinji. Abandu bandi besunjila obuyinda bwabwe, noho amasomo kabwa, ebifwalo biabwe ebilolosia ebiekenyi biabwe; noho okhwiboha emikasa shinga olwa omunabi Isaya aboola mu Isula 3:16-24 Ibarwa ya Petero 1, Isula 5:5 khandi ikhumanyia mbu ... okhuba Nyasaye afukulanga abeechinjimisii ne abakosinjia abeetutuyii obukoosia. Tsinjelo 8:13 tsiboola mbu, “Okhuria Omwami nikhwo okhukiya obubii; toto obwikhulu mamii, nende Isunga, nende injila imbii, nende omunwa kwobukhayi, embikiyanga biosi.” Khandi Tsinjelo 16:18, tsiboola mbu, “Obwichinjimisii



1. IPICHA NOHOMBA ESHIFWANANI SHIO
OMWOYO KWO OMWONONI

buranjililanga okhukwa, nomwoyo kwokhwilola kuranjililanga okhwisichirala.”

2. IMBWA – Imbwa nayo imanyia obwikombi bwo mubiri, ebiima bio bwilasi nende obuhenyi. Obwononi buno bwashilanile mutsindalo tsino shinga Iwa Yesu yalakula mbu tsindaalo tsiokhumalilikha tsiliba shinga Sodom nende Gomorrah. Ne ebionono biene bino bianjerere buli habundu kata mumatala ka baKristayo. Abandu bachachire okhwikatia mbu nibio ebiima biomutsindalo tsino. Abaraaka abanji baininjia ebiima bino mutsisenema nende mubitabu olunyuma banyoola batibire. Kata Abaluhya bakale beranga omundu owali nakholele eshilomindo noho oluswa. Nyasaye okhwechesia mbu khurulile khu biima bino elala. Nyasaye asunga mbu khuleshe okhubaya nemibiili chiefwe shichila emibiili chiefwe ni Ihekalu yiye. (Soma 1 Abakorinzo 6:18-19; 1 Abakorinzo 3:17).

3. IMBITSI – Imbitsi nayo imanyia obumeesi nende obulangu. Yilitsanga, niyinywa eshindu shiosi shiosi eshilayi kata eshibii. Khandi olwa omwoyo kwetsimbi nomba obwononi kufuchililanga ebiindu biosi bietsimbi. Omubiili shinga ihekalu ya Nyasaue kusasibwa nende ebiokhulia ebibii, indaba, inzaka nende eshindu shiosi shiosi eshimesinjia. Kho onyoola mbu owilanganga omuKristayo aria okhunywela ebiindu bino mukanisa ya Nyasaye yebisa okhutsia okhwinjisia omwene mumubiili kukwe yeilila mbu omubiili kuno nikwo ihekalu ya Nyasaye. (Soma 1 Abakorinzo 3:16-17; 6:18-19).

Nosoma okhukalishila mumalako kaMusa 21:18-21, kaboola mbu omundu omulangu nende omumesi berungwa muluyia namachina. (Soma khandi Tsinjelo 28:7; 20:1). Naye omukusi wamalwa Nyasaye wamulaka eshilamo – yenga Habakuku 2:15 Omunywi naye Asoome Isaya 5:22.

Abandu betsimbi boosi shibalinjira mubwami bwoMwikulu ta. Soma Abagalatia 5:19-21. “Murameelanga amalwa, okhulimwo obwitaakuli, tawe, ne mwitsulenjemwo Roho.” (AbaEfeso 5:18). Yesu alanganga buli shiomundu yesi yesi ouli nobuloho bwa

Roho yetsekhuye anywe amatsi kobulamu. (Yohana 7:37-38; Isaya 55:1; Yohana 4:14).

4. LIKHUTU – Likhutu liboola khubutofu noho obukara bwo khuhulila amalako; nende obulosi bwo obufumu. Obufinachi bwa malako bwingana shinga obufumu. (1 Samweli 15:23). Omukara yeyire omwene niyeekomba eshiabula. (Soma Tsinjelo 21:25-26). Nyasaye shiyenya abandu abatofu shinga likhutu tawe. (Soma Luka 13:24; Matsayo 7:8; 11:12; Abayaasii 18:9).

Obukara bwelikhuwa lia Nyasaye buchira abandu nibatsia makhufwa khwa inziayo. Obutofu buchira omundu nalalama ta, nakhaba ebiindu bitsia wa Nyasaye ta bumuchomia butswa mumulilo. Obukara buchira niwiyama shetani okhusunjira okhubira mbu nohonibwa mukamba mushelenje shiokhuhonibwa bulano. Olilola wafwa noshili okhuhonibwa wikholanga shinga abakuka bobo bekholanga nibanyasia Nyasaye. (AbaHeburania 3:7-8). Mukamba shikuli okukwo lwo nohonibwe tawe.

Likongolimo lielikhutu likhonyelingwa nabafumu. Mubise bia matemo no bulwale kenyekha mbu olile Nyasaye owirecheshe okhukhuhonia. “Okhurula khuMwami tsinjenda tsiomundu tsikasibungwa; naye aralisinjia oyo owa Injilaye yimusangasia. (Tsitsabuli 37:23). Omulwale akhabirwa abakofu belkanisa mana bamusayile nibamubakha amafura mulira lio Mwami ne ala hona, yesi naba niyekalukhasia ebionono bibie kho mwiwama ebionono bienywe musayirana mana mula hona. Yakobo 5:14-16 anyala khandi okhukhukhonya. Kata Nyasaye yakaya abalsrael mbu baleche obufumu. Nosoma mu okhukalushila Mumalako kaMusa 18:10-12 khunyola khurio. Akalibanyola abetsimbi kanyolekha mu Obufwimbuli 22:15. Kata Nyasaye akana mbu, “Mulashiukhanila abamayengo kata abebitsoyelo ta; mura bakhaaba, mbu mube mwibuli khulwabe ta; isie nisie Nyasaye weenywe.” (Abalawi 19:31). Omundu natsilila okhubila mu otsie khu mufumu ombire mbu Nyasaye aboola mbu, “Nolwa balamusunjila mbu, Mureebelesia khubafumu ... Babula tsie khubwibali nende oburumbusi....” (Isaya 8:19-20).

Lwosomanga akhatabo khano, Nyasaye asungananga ninawe, Nakhulanga mbu oleshe ebiononobio omushukhanile. Habula omwoyo kwelikhutu okulimumwoyo kwo kukhakatia kubola mbu noshukhanile Omwamiwo inyanga yindi, kwitsulamwo oburi. Ochaka okupara noleshele wina ebindu biomushialo, nohenda mbu abandu ababi bo wachendere ninabo nibabole shina khuywe. Mushilenje shiokhulola obulayi bwa Yesu nomwinjisia mumwoyokwo, oburi bwo omundu washio buchira wiboha khushishieno. Habula Yesu yetsa okhubolola ababoywa nende shetani nibaria okhufwa. (AbeHaburania 2:14-15). Obukara bwo khu Mwiya Nyasaye noho Yesu shinga ombololi bwomia omwoyo kwo shinga likongoli nombamba likwakwata lie likhutu.

5. INGWE – Ingwe neisolo eyachama okhurangana mana indulu. Obulenyana ne liruma bwetsula mumwoyo kwo omundu nebuchiranga okhwirana khwinjira. Onyala eshise shindi okhuhotseresia liruma lino, newitsukhana liakhatitiha. Nobulayi okhwiya mbu liruma lili mumwoyo kukwo mana osabe Yesu akhuleshere. Itsabuli ya 37:8 iboola, “Lekha oburima, niwabala oburaasi, oraya amala ta; khuleeranga obukholi bubii bwonyene.” (Kata Tsinjelo 27:4; kata Omwilwatsi 7:9; kata Abakolossi 3:8).

Abari abanji bayanza okhunywa khwo bonone habula okhukalushila Mumalako kaMusa 32:33 insunga, idivai yabwe nobufwisi bwetsinzokha; nobusiba obululu bwamani. Okhurunga obubii khu bubii nobubii khu Nyasaye. Khwayebwa lilako likhongo mu Mariki 12:31 mbu, “Oheelenje owashio shinga olwa wiheela omwene.” Khandi mbu, “Heelenje abasuku beenywe.” (Matsayo 5:44). Kata mu Sala Yo Omwami lilimwo. (Matsayo 6;12). Omwoyo kwo oburuma nobutsululi nomubii imberu wa Nyasaye. Obwikombi bobwiri nelihwe bwe tsula mumwoyo kwo omundu, kho omulembe kukhuyire okhurula kwene yuku.

6. INZOKHA – Inzokha yakatia Hawa mumukunda kwa Edeni niyichila obwitsa nobuhambani bwa bali ninabwo nende Omwami bukhalkha. Setani yakhalishilwa khubunyali bwo Omwami yali yehesia Adamu nende Hawa okhuruka eshibala.

Likhalikhali lie inzokha liachira niilomba omubero kwononia obwitsa bwa abandu nende Nyasaye. Omwoyo kwelmbalikha kureranga obwiri, okhushira muno mu abateshania. Tsinjelo 6:34 Isunga, "Imbalikha yihambia omusaatsa oburima." Imbalikha ne likhalikhali liatira abandu abanji kata abakhalabani bomulimo kwo Omwami balimwo. Habula abakhalabani betsusibwa okuhenganga. (AbaRoma 5:5).

7. LISHERE – Lishere lisunganga khu ebionono biobulangu nende okhuheera amapesa. No okhuheeranga amapesa nikwo eshisina shiobumayaanu bwetsimbua tsiosi. (Timotseo 6:10). Omundu omulangu shianyala okhuhesia oubula eshindu shiosi shiosi tawe. Yenga abe onyola nabikha biosi pe mushibala muno. Yesu naye okhwibalila wokhukhoyere okhwibishira biobuyinda bwefwe. (Soma Matsayo 6;19-21). Achani nabomuluyia lwe (Yoswa 7) berwa khulwo khuyanza idhahabu nende ifedha ne tsingubo tsindayi. Yuda Isakariote yemika khulwokhuyanza amapesa lwa yali namutsamiile Yesu obwikombi bwokhuba omuyinda buchira abanji nibeba, nibera abashiabo kata nibeemika. Obuyanzi bwa amapesa nobulangu buchira oyo niekomba okhuruka, neyekomba okhufinyirisia abamanani nende okhunyoala eshisaala eshikhongo muliKanisalie. (Mariko 9:38). Amebaalo khubuyinda okanyoola mu. (Luka 12:15-21). Honia Omwoyokwo okhuyomba okhwibishira obuyinda. (Mariko 8:36; Luka 12:22-34).

8. SETANI – Setani neshinoko shiobubeyi khandi samwana ababeyi boosi, niye oukhukatisinjia okhwonona, khandi niye omuruchi womwoyo. Yohana 8:44 asunga, "Inywe muli baasenywe setani, nobwikombi bwaseenywe nibwo obwa mwenyanga okhukhola ... yalinji omwiri okhurula khukhuachaaka, narasinjila mumbwatoto ta, shichila obwatoto bubula muye." Nyasaye shiali omubeeyi ta, Tito 1:2 ... Omwami yenyanga omuKristayo watieli, oulabeeya tawe. (1 Yohana 1:6). Ababeeyi balikaliwa elwanyi welitokho lia (Obufwimbuli 22:15). Omwami akana, "Omuloli Omubeeyi ouboolonga akobubeeyi nende oyo oumitsanga inzoka mubeebulani. (Tsinjelo 6:19).

9. ING'INING'NI – Ing'ining'ni iboola khu buyiririsi obul mumwoyo kwo omundu. Mushifwanani shino, tsimbii tsinyinj tsiakhasotsero tsiachira Ing'ining'in noho obuyiririsi yakhaywa okhwakha nibulola ebionono biayo. Obuyiririsi bwakhama shibunyala okhwahula habwene tawe. Obuyiririsi bwawa khulwa ekhwibirira likhuwa lia Nyasaye nibwinamira amechesio kasetani nende amechesio kababeeyi. (1 Timotseo 4:1-2; AbaHeburania 10:22).

10. IMONI – Imoni yilimuchifwanani shiomwoyo kwo Omundu niya Nyasaye. Imoni ya Nyasaye ilolanga buli lipaaro lili mumwoyo kwu Omundu kata niyebisile hena. (Shinga lwe Imoni ya Nyasaye ibetsanga nilwo lwo obweni bwo omundu bulilekhanga mutsipicha noho ebifwanani biino).

11. TSINZESELE TSIO MULILO – Tsinzesele tsio mulilo etsio ne tsiniimi tsio Omwami etsimanyia shinga lwa Nyasaye ya chama Omwononi. Tieli, Nyasaye walooba omwononi nehabela shianyala okhwenya omundu afwe tawe ne mbu yekalukhasia okhurula mutsiimbi mana abe omulamu. (2 Petero 3:9). Yesu yetsa okhununula abatiba omwikhoyo kulimwikulu khu uyo omwoyo owikalukhasia. (Luka 15:7). Tsinzesele tsino nomba tsiniimi tsino tsisinga khu matsayika Yesu Omwana wa Nyasaye uhuyininjiaho obwononi bweshialo. (Yohana 1:29).

12. MALAIKA – Malaika mushifwanani shino amanyisia likhuwa lia Nyasaye. Nyasaye yenza okhusanjirana nende abakholi betsiimbi mana omubasukwe kwashe mubo.

13. LIKUKU – Likuku limanyia Roho Omutakatifu omanyisinhia obwatoto bwa Nyasaye, eshionono nende eshilayi khu Nyasaye nende obuyaasi bwe ebionono. (Yohana 15:26). Roho omutakatifu abeyereranga ebulafu wo Omwoyo kwa Omundu omwononi. Shamenyanga halala ne tsiimbi tawe.

Kali mbu Omwoyo kukwo kufwanana nende omwoyo kwo Omundu uli mupicha yamberi yino, okhoyere okholilila Nyasaye mana wikule omwoyokwo yenjire mwo. "Subibilila Omwami

Yesu, kho olahonibwa, iywe omwene nende abeinzuyo boosi.” (Ebikhole 16:31). Soma khandi Ezekieli 11:91. Kano kosi kenosibwa obulayi mushifwanani shiakhabiri.

IPICHA YA KHABIRI

Ipicha ya khabiri imanyia omwoyo omwononi kwakhachaka okhumukhaba Omwami Nyasaye. Malaika atilile olukanga olumemu luyomba tsinganga tsiosi, lwe likhuwa lia Nyasaye, elili nobulamu. (Soma AbaHeburania 4:12). “Okhuba omushara kwo bwononi nokhufwa”, (AbaRoma 6:23) ne “Mana olunyumakhwo obuyaasibwi nibibaho.” (AbeHeburania 9:27). Abetsiimbi nende ababula obusuumbiri khu Nyasaye, “Omukabo kwabwa kulanyooleshela munyanza yo mulilo.” (Obufwimbuli 21:8).

OMWOYO KWIYAMILE MBU NOMWONONI

Malaika atilile eshihanganga shio Omundu mumukhono kundi. Shino nokhumwitsusia omukholi wetsimbii mbu ifwe fwesi khulifwa. Omubiiri kwakhwayanza muno kuno, kulifwa mana nikubola nikulibwa netsinyende habula roho ilitong’a ilinda okhuyasibwa imberi weshifumbi shia Nyasaye. (Soma 2 Abakorinzo 5:10).

Hano khulola omukholi wetsimbii niyesundushila likhuwa lia Nyasaye, niyekula omwoyo niyenjisia obuyanzi bwa Nyasaye. Roho omutakatifu achaka okhwakha mumwoyo kwetsimbii. Nelwo omubasu kwa Nyasaye kwinjira, nasho eshirima shitsia. Nabo ebionono ebiberenje mubifwanani bwetsisolo biosi khatimba bitsie. Khulwesho omusomi, fuchilila Yesu Kristo, omubasu kweshialo, yenjire mumwoyo kukwo nabio ebionono birushe shinga lweipicha ya khabiri ikhumanyia “Mana Yesu nabasunjila khandi Isie nisie obulafu bweshialo; onunodakhwo shialachenda mushiilima ta.” (Yohana 8:12). Yesu yenyene niye ounyala okhukhuyinia mu bwononi. Shinga lwe eliuba lili nilio liobulafu noho omubasu omunji okhuyinga chiosi nilwo lwa Yesu ali omubasu kwa batsienukhu. Yesu yalonda abakhala mu



2. OMWOYO KWIYAMILE MBU NOMWONI

hekalu, “nababoola ari kahandikwa, mbu inzu yanje yakhalangwe mbu Inzu eyokhusaayilamwo; ne inywe muchikholanga imbiga yabanuuli. (Matsayo 21:13). Omwoyo kwo kwakasibwa mbu ibe inzu yo Omwami. Nyasaye yenyanga okhumenyamwo, yashiemo omubasukwe. Yesu shiyetsa okhukhuleshera, ebionono biefwe bionyene ta, yetsa khandi mbu akhubolole okhurula mu mboye yo bwononi. “Kho Omwana naba namukhola abalekhule, kho mulaba abalekhuule toto.” (Yohana 8:36).

IPICHA NOHO ESHIFWANANI SHIAKHATARU

Eshifwanani shiakhataru shikhumanyia Omwoyo omusiro kwikalukhasie okhurula mutsimbii. Omundu uno wakhalola obubii bweebionono bibie bia Yesu yafwile khumusalaba. Shinga lwalola malaika, Likhuwa lia Nyasaye nachinjire omusalaba, Malaika uno yaraka Omwoyokwe mana nabeerera khulwa tsimbii tsie tsinyinjii. Shinga lwalola obuyanzi bwa Nyasaye obuli mu Kristo, obuyanzi buni bwitsula mumwoyokwe, niyetsulila shingana lwa Yesu Kristo, Omwana wa Nyasaye yetsa okhumwosia tsimbiitsie, niyehana okhumufwira khumusalaba. Omwoyo nobulama bwo Omundu huno bukalukhana elala, niyetsulila shinga Yesu yabambwa khu musalaba, nakhomwa emusumari khulwa ebionono biefu. Lwa soma likhuwa lio Omwami yelola omwene shinga lwe yarula khu Nyasaye nalahulila amalakoke. Bulano amulila Nyasaye, amasika nikarula, naye Nyasaye namusutira Yesu Omwana wa ahambi. Obuyanzi no mulembe kwa Nyasaye kwinjira mumwoyo kukwe nako, “amabanga ka Yesu Omwanawe nako kakhusiyounga khubwonooni bwosi.” (Yohana 1:7). Olonje mwisie omwoyo omusiyiikhu e Nyasaye.” (Tsabuli 51:10). Nyasaye ahendelanga Omundu omwituuyi, omwoyo okwinyushile. (Isaya 66:2). Roho omutakatifu omufwimbulila amakhwa ka Yesu, “Mwana wanje lema omwoyo; wakhamala okhuleshelwa ebiononobio.” (Matsayo 9:2). Lwayali nayenganga khumusalaba nende amatsayi, ka Yesu akasundukhakhwo, yasubila mbu kano kosi kekholekha khulwaye. Vetsulila Yesu shinga lwa yamufwira khulwa tsimbiitsiefwe “Toto mwene yetukha obutusunwi bweefwe” (Isaya 53).



3. OMWOYO KWIKALUKHASIYE

Roho Omutakatifu nende obuyanji bwa Nyasaye nibwo bwimiriranga Omwoyo omutsienukhu. "Amabanga ka Yesu omwanawe nako kakhusiyinga khubwononi bwosi." (Yohana 1:7). Bulano wakhamanya mbu omundu yesi ousibira mu Yesu shalifwa tawe. Mushiroho ne aliba nobulamu bweenziayo. (Yohana 3:16). "Ne mumwenoyo khuli nobununulwi khulwa amabangake." (AbaEfeso 1:7). Obwikombi bwali bwo mubirii bukalukhane okhuba obwikombi bwa okhumenya mu Nyasaye namukhalabanira shichira Nyasaye yaranjilila okhukhukhalabanira, ifwe khuheelanga shichira ye yaranjilila okhukhuheera ifwe." (1 Yohana 4:19). Mushilenje shiokhuheera ebiomushialo bulano omundu ouli mushifwanani shino ayanza Nyasaye nebindubie.

Mushifwanani muno tsisolo tsimanyinjia tsimbii, tsirulile elwanyo wo Omwoyo kwo Omundu uno nehabula tsinyala okhukalukhamwo tsinyoola obwiyangu. Nishio shichira Yesu nakubira khube meeso nikhusaya. (Yakobo 4:7).

IPICHA NOHO ESHIFWANANI SHIAKHANE

Eshifwanani shino shisunga khu muKristayo owanyoola omulembe nende obulamu bweinzuyo khulwa okhufwa khwo Omwami khandi nali omuhonia oulangwa Yesu Kristo. Omundu uno yesunjiranga okhubambwa khwa Yesu khumusalaba. (Soma AbaGalatia 6:14). Yesu yafwa khumusalaba mbu ifwe khuleshe okhufwira mu bwononi. (1 Petero 2:24). Khuyunjibwa mbu, "Roho omutakatifu okhumirire mubulamu bwefwe mana khulebirira obwikombi bwo mubirii." (AbaGalatia 5:16,25).

Eshikuru shio omuhonia Yesu Kristo yabowakhwo nende tsikhobaa tsia yakhubirwa nali eshienye tsimanyisibwa mu shifwanani shino. Yanyasibwa khulwa ebionono biefwe, "neefu khwahonibwa khulwa amakhupacheke." (Isaya 53:5; Soma khandi Matsayo 27:27-31).

Bashiriiho butswa abanji abelanganga mbu aba Kristayo, nibalia lisaabo, nibeemba tsinyimbo tsia Nyasaye nimukari mwene nibumubamba Yesu Kristo Omwana wa Nyasaye, Khulwa

OKHUFWA
MU YESU.
AbaRoma 6:6

OKHUBA MWAFWA
OBULAMU BWE-
NYWE NABWO
BWABISIBWA HALA-
LA NENDE KRISTO
MU NYASAYE.
AbaKolisai 3:3



4. OKHUFWA MU YESU

ebikhole biabwe ebiibi. (Soma AbaHeburania 6:6). "Shali bosi abananganga Omwami abalinjila mubwami bwa Nyasaye, ta habula abo abakholanga aka Papa ouli mwikulu yenya." (Matsayo 7:21-27).

Mupicha mwene muno khulola omuloloti kwa Yuda okwitsulemwo tsishilingi amakhumi kataru akayarungwa lwa yali yakhamukhoba Omwami Yesu. Kano koosii khulwa obuyanzi bwamapeesa. Ebindu bia abasikari bekhonyela, shinga itaa, eminyololo okhumutira Yesu biosi bilolokha mushifwanani shino. Ebindu biali bia Omwami Yesu biosi biakhupilwa ikha shinga lwe Itsabuli 22:18 isunga mbu, "bakabana tsingubo tsianje, nibakhupa ikha khubiifwalo biaje." Babukula ibindu bia Yesu biosi ne nibaloba omubiiri kwene nibasunga mbu, "Shikhwenya Omundu uno akhuruche ta."

Abandu boosi benyanga okhunyoora tsikhabi okhurula khu Nyasaye okhula khufuula nende omubasu ne shebenyanga okhumwihanira Omwami mana bamu khalabanire shinga Omuhonia khandi Omwami tawe. Khu bayi, Nyasaye nomulayi khandi omukhonyi mubise bia amanyakhano. Bamufumura mumbafu paka khumwoyo, "ne habwene na habwene amabanga nende amatsi nikarulamwo." (Yohana 19:33-37). Petero yamwikana Yesu khandi khataru mana itaywa niilakulla, nawela mukhulila. (Matsayo 26:69-75).


IPICHA NOHO ESHIFWANANI SHIAKHARANO

Eshifwanani shino shimanyisia omwoyo kwa tsienulwa nende Nyasaye. Bulano ne likanisa lia Nyasaye, litala lia Nyasaye mu Butaru bubwe okhulondana nende obusubusie bwa Yesu Kristo. (Soma Yohana 14:23). "Yayiniye abakhulundu khubifumbi biabwe, niyemeekha abalinji abamanani." (Luka 1:52).

"Nano abali baKristo Yesu babambile imela yomubiiri khumusalaba, halala nobwilaasi nobwikombi bwayo." (AbaGalatia 5:24). "Nasi emboola mbu mwichendelesie mu Roho, kho shimulakholanga akobwikombi bwomubili ta." (AbaGalatia 5:16).

BUHEELI
OBUSAANGAFU
OMULEMBE
OBWISIIKWA.
AbaGalatia 5:22-23

ESHISA
OBWIFILI
OBWIRUCHI
OBUHOLO



5. LIKANISA LIA NYASAYE

Obulamubwe bulano bumusubiriranga Nyasaye, “Shichila eshiibulwa nende Nyasaye shihulanga eshialo; ne buno nibwo obuhuli obwahula eshialo, mbu obusuumbili bwefwe.” (1 Yohana 5:4. Bulano amenya nobusuubuli mbu Yesu ali ahambi okhwitsa, nabulola obuyanzi bwa Nyasaye obumenyanga emihika ne mihika. “Nabeikhabi abemioyo emielele’she; shichila balalola Nyasaye.” (Matsayo 5:8). Omuruchi Daudi, yali omuyinda khandi yahula abasukube abanji. Ne lihe liamukhaya liali mumwoyokwe. Yenya Roho Omutakatifu yimwinjilemwo mana nalama, “Olonje mwisie omwoyo omusiiyikhu, e Nyasaye, nokalusia mwisie Roho imbia iralilu.” (Isabuli 51:10). Abulaho ounyala okhwosia omwoyokwe omwene nalasayile shinga lwo omuruchi Daudi yakhola tawe. Nyasaye yenya okhukhole eshindu esia mumwoyokwo. Okhwiyamila Yesu khwo bubeeyi nende okhusaba obulesheli okhurula khu Yesu obubula obusuubili shibukasia Omwoyo omulayi kwo khwichisia Nyasaye tawe. Yenya okhukhonya po shinga lwa yalaka mu. (Ezekieli 36:25-27). Buno nibwo oburume bwawihanile khu Yesu Kristo, no mwoyokwo kwosi, mubikhole nende mukhusunga khukhwo? Nomba onyala okhufwimbwa omurwe imberi wabashio? Yesu yenya omwiyame imbeli wabandu naye alikhwiyama imbeli wa Papawe ouli mwikulu. (Soma Matsayo 10:32-33). Yesu khandi aboola mu Matsayo 10:38 mbu, “Noyo oureetukha omusalabakwe walonda munyuma mwanje shiyangwanila isie ta.” Nabobuyanzi abo abanyoolekha nibesumukha khulwanda olilo Yesu Kristo. Yesu Kristo niye Olwanda lwokhwibisamwo, amabangake niko amatsi kokhukhwosia ebiononobio.

Omwoyo bulano kubele likanisa lia Nyasaye. Obwononi bumalile okhulondwa. Roho omulaafu humalile okhulonda setani. Samwana obuheeyi ebulafu, naye bulano winjire okhumenyanga mwo. Omwoyo khwalinjini eshinoko shietsimbii kukalukhane okhuba omukunda kwama ebiamo ebilayi bia Nyasaye yenya, ebia Roho, shinga obuyanzi tsimbabasi nende omelembe. (Soma AbaGalatia 5:22-23). Nimuba nimuhulilanga amalako kanje mulamenyanga mubuheli bwanje shingana Isie olwa ndahulilenje amalako ka Papa nimenya mubuheelibwa. (Yohana 15:1-10).


Nyasaye yarumila mu Mwanawe Yesu Kristo mu Indakano Imbia. Mushifwanani shino munyala okhulola Malaika nalolekhan ga. Abamalaika barebwaho okhukura abo abenamila Omuhonia. (Tsitsabuli 34:7; 91:11; Daniel 6:22; Matsayo 2:13, 13:39; 18:10; Ebikhole 5:19; 12:7-10).

Eshishieno shiosi shilolekha shikomba okhwinjira munzu yali yashio, omwoyo. Khukwesho khube “meeso, shichila omusuku weenywe, setani, achendanga shinga Italanyi eyihoola, nakhaba owa alia.” (1 Petero 5:8). Eshishieno shino setani, shiosi shichendanga nishifwalile shinga malaika wobwatieri, nishikatia kata abo abaana ba Nyasaye yarakhwo omukhono. “Mumuhulilenje Nyasaye, ne nimumufukule setani, naye alamwilukha.” (Yakoba 4:7).

IPICHA NOHO ESHIFWANANI SHIA KHASASABA

Mushifwanani shimanyisia Omundi wakalukha inyuma mubu Kristayo bwe nabeerele muno. Imoni yiye ndala yimanyisinjia mbu ali shinga ouli mundoolo mubuKristayobwe imoni yindi iheenganga eshialo khulwa amanyakhano amanji shiali ounyala okhumanya ya sandibwa halala nende Kristo tawe. Bulano amalile okhunyoora amarechekho nohomba amateemo, mushilenje shio okhuluura omulaango kwa Nyasaye bulano auliranga obukaatibwe shishieno setani mumwoyo kukwe. Kata nikali mbu nomusaanji mana atsitsanga mwikanisa yebisaanga butswa mumakhuuwa ka Nyasaye niyenya ebiindu bio mushialo mumwoyo kwe, ne obuyanzi bwa Nyasaye bubula muye. Abolanga ebiindu bibiri Nyasaye abula mumwoyo kukwe tawe, yekatinjia butswa mbu yamuyaniza Omwami. Obulafu shibuli mumwoyo tawe. Shianyala okhuchinga omusalaba natsekha nobutsatsahafu ta, obusubiri bwe nobutiti shichira omusalaba nomusiro kwamusitohera muno po. Shialamanga Nyasaye tawe.

Bulano ahesinjia setani obwiyango ouli elwanyi mbu yenjire mumwoyo kukwe. Ayanzire okhuba halala nabaandu abetsimbii, abonooni walekha okhwenya abaandu abalayi abali abaana ba Nyasaye. Bulano buno Isimbishira eyili neisunga yikhaaba



6. OMWOYO KUTEMWA NIKWA HUKHANA

obwiyanga inyoole okhwinjire mumwoyo kwo omundu huno. Yebilire mbu yahonibwa khulwo obukoosia bwo mwami halali eshindu eshibi no omuKristayo weisunga inyingi po. Khulwa okhuchenda nababii, okhunyuwa amalwa nokhukatibwa nende setani khwayononia ibulamu bwo omundu huno bwe inziayo okhubera mbu wachama ebiindu bio mubiri nende ebio eshinashialo. Khulwe ebionono shikhunyala okhunyoala obuhulushi ta. Ifwe fweesi pe khumwilushire Omwami Yesu ouli omuhuli. Shinga olwo anyala okhulola omundu huli mushifwanani nali neshiindu nafumiranga mumwoyo amanyisinjia omuKristayo hunyala okhwifira mumatinyu mubuKristayo bubwe. Khularia omundu namundu tawe habula khurie Omwami Nyasaye, nikhufukula setani. Khuleshe obwikombi, Yesu yaboola nakhweshesie fweesi pe khube meeso. (Soma Matsayo 26:41; AbaKorinzo bamberi 10:12 nende khandi soma AbaEfeso 6:11-18).

IPICHA NOHO ESHIFWANANI SHIA MUSAFU

Shino eshifwanani ni omwoyo kwo omundu owali niyaleshelwe tsimbii tsie mana nakonyelela khu ebio mo biomwikulu, nanyoolakhwo eshihanwa shie shia Roho omulafu, kufwananga obusubili bumalile okhuunyamo. (AbaHeburania 6:4). Eshifwanani shiene shino shimanyia omwoyo kwo omundu waulila Injili ebikha ebinji nalekulakhasia tawe. Huyo omundu uyalilwa nalekakhasia amala atsirira butswa okhwononekha.

Yesu mwene yaboola khu omundu owali omulunjishi mana narula khubulunjishi mbu setani khali khauya khamalanga khachendachenda nekhanyoola wekhenjira tawe, khamalanga khakalukha mumwoyo kwali kwakho nabasetani bandi musafu abakhayombakhwo nobubii mana omundu uno abiiya okhuyombia lwa yali. (Luka 11:24-26). Ne kano kosi kitsusia oluchero mbu, "Imbwa yikalushiile amasale kayo, nayo ingurwe eyosiibwe khukhukalakala mumatoyi." (2 Petero 2:22).

Amaandiko kaboola khumulunjishi owarerekha kata khu mwoyo kwa oyo waloba okhwiyama Nyasaye. Kata obweni bwe



7. OMWOYO OKWAREREKHA NOHO OKULAHULILA

nomwoyokwe bimanyia mbu tsembii tsiakalushemwo. Likuku ilili Roho omulafu nende malaika boosi barula niba berere shichila shibanyala okhumenya munzu ndala nende setani tawe. Batsia nibekomba omundu uno okhuba shinga ulia omusiani owali niyakora mana nakalushila samwana. (Soma Luka 15:16-20).


Omwoyo mushifwanani shino shikumanyiakhwo obukalukhani kata mbu obulohoo khu okhumukhaba Yesu tawe. Obuyiririsibwe bwamala okhutiba. Amarwike shikaulila kata omulango kwa Yesu tawe. Tsimonitsie khandi shitsilola kata obukoo oburaambi obulakama ta obuli hasiwe ta. Setani wamalile okhuba omuruchi womwoyokwe khandi, kata yakhaba niyekholanga shinga Omukristayo shinga Iwa kaboolwa mu Matsayo 23:27, “ebilindwa ebilolekha ebing’oonefu ne mukari mubetsanga nimwitsulemwo amakumba kabandu bafwa nende eshifwanani shiosi.”

Setani bulano yekhala khushifumbi shio buruchi mumwoyo kuno. Eshionono shinga eshifwanani shiesolo nabulimo, nishinyerera nishikhala mumwoyo oko. Omwoyokwe kwikomba okhubololwa, ne habula kwa mala okhubowa. Kali mbu lilako liaMusa lilaka mbu Omundu yerwe abakoboshili babili baba niba mwikana, naye oyo ouleka Omwana wa Nyasaye, naleka amabangake akebeera khulwa ebionono biefwe aliba arie? (Soma AbaHeburania 10:28-29; 2 Petero 2:1-4). Kali mbu Omwoyokwo omwikho, kufwanana nende omwoyo kuli mushifwanani shino, sikama omulilile Nyasaye. “Khandi niko akachilanga nanyala okhubaho nilia elala abo abasitanga ahambi khu Nyasaye khululwe.” (AbaHeburania 7:25). Khandi okhubaleshela elala ebetsa okhwikalukhasia nibasubire. Nomuuchilila, ye wiyamire okhulonda ebishieno biosi okhurula mumwoyo kwo. Musubiire shinga Iwo wobucheere yamusubiira. (Soma Mariko 1:40-41). Ne habula notsilila okhuchama okhwonona injila yindi yibulaho tawe habula okhufwa, shichira omushara kwo ebionono nokhufwa. (AbaRoma 6:23).

IPICHA NOHO ESHIFWANANI SHIO MUNANE

Omundu waloba okhuhulila, naboola namulonde Yesu mukamba ngwoyu huchomire mulufu. Omubirii kwe kuhulila oburi nende obutsumwi, obunji. Olufu, olulolekha, shinga amakumba kayabululwe lwimwitsile omundu uno mundoolo ebiise khuye nibishiiri. Ebialibio mushialo biosi biawela nebulano omuruungo kwobionono paka kunyoolwe. Akaali mumulilo kakhanza okhumuloleshela. Kata nateema okhubuukha mbu asaye shikanyali kha ta shichira Nyasaye wakhabakhwo eyale ninaye. Wakhatoong'a yenyewe khushitali shiolufu. Omwitsa abula, Obuyindabwe shibunyaala bulano okhumuhonia ta. Ateemakhwo okhumupara Nyasaye anyoola obwiyinga bubula shichila setani wulile batsie ninaye mumulilo.

Obulamu bwali bubwe anyoola bubulaho, kata omusomesiawe, shichira yaloba okhumuhulila Nyasaye ne bulano paka ayasiibwe. Kho bulano yetsulila, "Ne likhuwa liokhuriisia muno, okhukwa mumukhono kwa Nyasaye oubeetsanga mwoyo!" (AbaHeburania 10:31). Yaboolanga mbu nahonibwe ne bulano ebiise biweere nashiiri. Nobulayi mbu ohonibwe Nyasaye nashiiri nashiiri ahambi ninawe. Owetsimbii uno, owamukana Nyasaye lwa yali nashili nobwiyanu bulano ahulile shinga lwa khalachilwa eshiina, "Murulekhwo, inywe abeenjila mushilaamo shiobubi mutsie mumulilo kwobumeli okwaleasilibwa setani nende abamalaikabe." (Matsayo 25:41; Soma khandi AbaHeburania 9:27).



8. OBUKHALACHIRWI BWO OMWONONI

IPICHA NOHO ESHIFWANANI SHIA SHIENDA

Ipicha yino yimanyia omukristayo owatsilila okhumu subirira Nyasaye mana bulano aulila obulayi no cheresia nende oubere mupicha yakhabira, Eshifwanani shimanyia shinga lwatemwa mutsimbeka tsiosi tsiomwoyo nahulanga kosi khu mani ka Yesu. Wamala okhuba mulala khubaana baa Nyasaye; Alimu otiebo yabaandu baa Nyasaye abeelukhanga nibamanyile mbu Yesu niye Omwimilisi wabwe. (Soma AbaHeburania 12:2).

Setani wamanya nateemanga okhuyinia abaana ba Nyasaye khunjira. Isunga, okhuyanza amapesa, obwilaasi nebifwanani bindii ebiinji bikhumanyia amateemo kano. Isushiri yakhatsa mushilenje shie ingwe shichira eshionono shiosi shiachama okhwikalukhasia shilangwa ameera kaukhane. Nehabula omukristayo ulimeeso amanyanga imbii kata yakhefwalashii Omukristayo. Watoto kata nateemwa, shialikalikhana ta shichira obuyiriribwe bwosi bubetsanga khu Nyasaye. (Matsayo 5:11-12).

Imeli yefwe yamubirii bikhonyana nende setani biiteemanga okhukosia abakristayo okhurula khu Nyasaye. Nehabula noluyoka lwitsule omukristayo amalanga yayula, "Niwina ounyala okhukhukabukhasia nende obuheeli bwa Kristo." (AbaRoma 8:35). "Nebutswa mu ako kosi khuli abahuli muno khuiwa omweneyo owakhuheela." (AbaRoma 8:37). Omukristayo uno yamala okhwiboha eshikhumba shilangwa Nyasaye. Walasana amahe koMwami okhula khukhumaliikha, naye Omwami wamalile okhumufwala, "Olusimbi olwo lwoluyali olulania ta." (1 Petero 5:4; AbaEfeso 6:10-18).

ING'INING'INI yobuyiririsi irangala obulayi omwoyokwe kusubiire nikwitsulamwo Roho omulafu. Malaika kamwitsusia bilia ebie abayehungwa lihe liakhawa. Biosi bio Mwami ahaana binyoole muBufwimbuli 2:7,11,17,26; 3:5,12,21).

OMULOLOTI KWASAME KWAMAPESA kukhumanyia mbu omundu uno wahana Omwoyokwe kata amapeesake khuMwami.

Amapesa akahana khubamanani akandi nara mukanisa akandi narunga shielikhumi. Kata kosi akali ninako akahanira Omwami.

OMUKATE NEINYENI bimanyia mbu Omundu uno alitsanga ebilibwa bikwanila bionyene. (Ebikholę 15:20). Amapeesake shikawelanga khundaba na malwa nohomba biosi biosi ebiimesinjia tawe. Likanisa lili mushifwanani shino likhumanyia omwoyokwe kwabeele inzu yelilamilo. Wayanza okhulaama nobwisikwa ebiise biosi khandi abundu hosi. Yamanya amasayo kakhusinjia omukristo.

ESHITABU SHIFUNULWE shimanyia shinga lwa yachama okhusoma Indakano nanyoolamwo amalayi konyene. Indakano yaba itakha yokhumukhosilia eshishieno eshio nashirema inayo. Indakano nibwo obusumabwe bwe shiroho, niyo amatsike kokhumala obuloho niyelsingamwo niyeyenjeramwo shinga eshiho.

Omwene wachama okhuchinga omusalaba shichila ya manya mbu shianyoola eshihanwa shiosi shiosi nabula omusalaba ta. Wamanyila elala mbu yamala okhulamusiwa nende Yesu. Amakanike kosi kali khubindu biomwikulu. (Abakolosai 3:1-2). We erechekha okhwakana nende Omwami. "Afwana shinga omusaala okwaraakwa hamichela chiamatsi, okwamanga ebiomo biakwo munuukho tsiabio." (Tsitsabuli 1:3). Khuye, okhufwa yekorwa shichila Roho Omulaafu wamwitsulamwo.

IPICHA NOHO ESHIFWANANI SHIE EKHUMI

Yesu yakamba, "Isie nisie obulamushi nende obulamu, ousubulila isie, kata olwa afwa, ne alaba omulamu, khandi ouli omulamu nasubulila isie shialifuakhwo tawe, obushia nobushia." (Yohana 11:25-26). MuYesu okhufwa khubulamwo. (Yohana 5:24; 1 Abakorinzo 15:54-57).

Huyu omundu owamenya khandi nachenda mu tsinjira tsio Omwami yomelanga okhufwa ikholo shinga lwo Omurume Paulo Aboola, "Shichila ndikomba okhwinyokha, embeyo ewa Kristo



10. OKHWINJIRA MUNGO NOLUYALI

ali; okhuba okhwenokho khushila **Bulayi**. (AbaFilipi 1:23).

OmuKristayo anayaanga okhulola oweni bwa Yesu owamufwira khumusalaba. Roho omulaafu amwitsusia mushifwanani shino aka Yesu yaboola mu Yohana 14:1-4 mbu alikhuyilakhwo mubimenyo bia Papawe ebili ebinji muho. Eshiomundu ashili okhulola. Kata okhuhulila kata okhupaara nishio shia Nyasaye yakasilia abamunyaza. (1 Bakorinzo 2:9).

Mushilenje shia amakumba koowafwa, malaika woMwami niye oulolekhanga mushifwanani shino okhuyira Omwoyo omutsienukhu kuno ewa Nyasaye. Omwoyo omusiye kwikulilwa obwiyangu mumalesi nikutsia ewa Yesu owamuyanza khandi namufwira khumasalaba. Alindililwa okhwinjisibwa noluyali imbela woMuhonia khandi Omwamiwe. Owamusunjira mbu, "iwe omusumba omulayi omwisiikwa; wabeelenje omusiikwa khubindu ebitutu; ndalakhwemekha khubindu ebinji; winjile mubusangaali bwomwamiwo." (Matsayo 25:21). Setani abula wamunyoola. Wakhaba shinga omumanani Lazaro. (Luka 16:22). Omundu uno aliba yakhosia aka Yohana omufwimbuli yalola mana nabirwa, "Handika mbu Nabeikhabi abafu abafwilanga muMwami; Roho aboola mbu okhurula olwa leero bahuluushenje khumilimo chiabwe; shichila batsia nebikhole biabwe." (Obufwimbuli 14:13).

OKHUCHETSIYIA KHWO KHUMALILIKHA

Baane, ewe ousomanga, Nyasaye akhukhoonye ohane omwoyokwo kwokhuye. Omwami asungananga ninawe nakhubira mbu, "... nomukalushila Omwami Nyasayewo nomwoyokwo kwosi neshiimoshio shiosi." Okhukalushila mumalako kaMusa 30:20. Yesia Omwami Nyasaye omwoyokwo kuchonyele okwo naye alakhuwa omuyia na mapaaro amayia. Okhukatibwa no mwoyo kwo omubeeyi tawe, "Shichila nokhurula mukari, mumioyo chiabandu, omwa murulangamwo amanyililiso amanji" (Mariko 7:21). Leshe tsimbi tsienywe mutinye khumalayi, "Okhuba omushaara kwobwononi nokhufwa; eshihaanwa shia Nyasaye nobulama bwo bumwuli muKristo Yesu Omwami wefwe." (AbaRoma 6:23).

Ne ewe owahana obulamubwo khu Nyasaye, "Handa khwikondo liene liamechesio amalamu aka wahulilila khwisiie, mubusuubili nobuheeli obuli mu Kristo Yesu." (2 Timotseo 1:13). Nishio shiachila Paulo nahandiika khulunyaali lwe 12, "emumanyile Omwenoyo owa esuubilile nindiisikanga mbu anyala okhulinda eshieneshio eshia yambelesia okhulinda okhula khundukho eyo." Otinyisie obusuubilibwo, nosaya mumani ka Roho omulafu nomenya mubyanzi bwa Nyasaye. Tsimoni tsio tsirangalile khu Yesu ouli obwatieri khandi Injira, ouli kalukha okhu khwenda shinga omuruchi wa baruchi, khandi Omwami waabami." (1 Timotseo 6:15).

Kho bulano oluyali, nobukhulundu, nobunyali, nende oburuchi, bibe khu oyo ounyala okhumulinda muleshe okhwisicharala, nokhumusinjisia imboli woluyalilwe akhalali eshikha shiosi ta, mukhwikhoya okhukhongo; bibe khu Nyasaye ouli mulala yenyene, Omuhonia weefwe, khulwa Yesu Kristo Omwami weefwe, okhurula olwa ebise biosi biali nibilashiabaho ta, nende bulano, kata Inziayo. Amina! (Yuda 24-25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)